

五言古詩

夏夜與公敏蓮峰話舊

知州許維祚

國朝詩林

爾我流落人相顧還相訝言之必憮悲凄然數行
下鳥息樹色暝月高天入夜杯盡思轉賒語長不
可罷嗟予素心交同是覆巢者性命得苟全道義
安可舍握手在岐路易水值初夏斯別各努力剪
燭為君話

喜次公見過

許維祚

春雨亦綿綿晚晴屢無驗園林亂落花亭草獨稱
路南州志

卷之四 詩

五

饜蚤起雨聲休雲中日微艷几席肅餘寒道途泥
未斂此際得君過知君頗相念盤飧富野蔬情至
難屢忝琴理悟靜機忘憂托書劔日夕掩荆扉幽
閑共君占

咏所各矣石崖

廩生楊夢詒

磊磊環山石玲瓏八面開眼空胸襟濶窟邃劔光
玉路岐花徑狹人寂鳥聲催寒戀岩邊樹春歸嶺
上梅疎烟籠翠壁淡雨洗丹崖桃花洞口笑疑是
小蓬萊

速當年若作仗劍身試問中原誰逐鹿可惜功高
遇奇成功不似李泌時剩得青魂還故土空山
夜泣子規轉因此地思往事無端又灑甲申淚
諸陵壘壘已成灰何處爲君嘆樵悴

贈別寅揆旋里

舉人繆 琰 昆明人

君家世德由來舊迺祖累仁天所厚雖云未襲軒
冕榮知足樂兮仁足壽後先輝映稱象賢才高南
斗氣浩然到處名山供嘯傲携囊時檢錦繡篇庭
畔千尋雙玉樹已見君家先獨步少年折得桂花
路南州志 卷之四 詩 五
還朝向西山學種圃與來搦管坐松阿詞源瀉出
倒銀河衆壑羣峰攢筆底片刻烟雲萬頃波此樂
只知行我素那管世人朝復暮豈云不知道南來
連年羈縻翻嫌悞慨然矢志賦日歸難同臥轍挽
征衣搖曳旌旗明月渡相思惟日對斜暉

石林歌和韻

學正 張端亮

天宮一派雲根補曠望稜稜呈色五何代星精墮
大荒芙蓉亂插山之塢斗削曉巖箭括通千枝玉
笋難爲數擬從東海策神鞭更遣五丁施繡斧八
陣驅來嶺上屯縱橫布置開門戶連城縹緲列旌
旗隱伏犀軍鎮寰宇抗步纜登岑岑峰側身轉向
清虛府藥室璇房合異區烟光爲練霞爲組手捫
嵌竇赤脂凝霹靂濡人逆滴乳左垂華蓋右垂纓
路南州志 卷之四 歌 五
高者揚幢低覆釜小邱徐聞笙間鏞大則填然擗
鉦鼓堅剛自是老爐鍾屹立何曾混塵土鐵騎群
驅林麓奔虬龍倒曳山腰嫵或馳魁象走妖魑或
布金沙堆粹瑀風噓窾谷鬪雷霆霧匝虛崖藏豹
虎朝望朝瞰羲馭騰夕望夕陰涼月吐紛披瑤草
繡蒼苔香馥叢蘭皺翠雨道知太極剖鴻濛別闢
乾坤恣仰俯丹竈豈無大藥成仙掌憑將莖露取
采芝此地老軒皇刊木當年勞夏禹况有清泉複
以倒注銀河深莫覩汲來冰雪沁我腸泠泠爲

煩囂苦何人示我還丹期我欲從之棲元圃渺
渺仙踪不可求爲問崆峒誰是主載將筆墨紀勝
遊惜無麗句增詩譜狂呼斗酒問青天二客從予
皆起舞極目蒼茫萬壑陰一聲長嘯空千古

萬壽橋歌

學正李汝相

朝辭昆州城馳入堡子塢父老策杖迎具言橋利
溥川爲巴盤源水沸多震怒車馬不得過行者涉
之苦鑿石空半山匠氏不能估營造費不貲土人
日旁午陳情金郡侯倡捐震河鼓壘石作津梁天
路南州志

卷之四歌

三

工人力補適當

萬壽春功成一方祐四達號通衢人人歌樂土驚濤
不復憂蕩平石作壘歌舞慶堯天往來通商賈舉
酒以言歡劇談罄瓶酌醵銘千萬年俚句傾懷吐
樂只君子哉勒功江之湄

石林歌

何處飛來怪石叢盤根竅鬱瓊玲森森稜稜鐵
騎列千門萬戶曲澗通崖窟層層鎖玉關羊腸鳥
道苦難攀恍疑紫雲天上落五丁把住留人間危

高峯眞鬼斧，球琳瑯玕。奚足數中有一線，清泉
流老藤穿壁苔痕古。

石林歌

幕人徐焯麒

何時峭壁天工補，搔首問天離尺五。落鴈峰高入
翠微，李園僻在山之塢。玉筍干霄不易登，金莖承
露誰能數。嗟峨青嶂倚雲邊，窈窕丹臺開鬼斧。旌
旗搖曳立天門，刀劍森嚴擁萬戶。只從嵌竇構巢
居，不向丘隅誇棟宇。旁時疎櫺共綺窓，中環畫閣
並瑤府。我云境寂可投簪，孰謂谷幽人佩組。層層

路南州志

卷之四

歌

五

儒竈自鎖烟，纍纍棋枰嘗懸乳。鳥跡徑穿擘巨靈，
鴻濛竅鑿垂鐻釜。遠而望之類鯨鐘，近而叩之似
鼉鼓。玲瓏百仞長莓苔，複道千重渺塵土。來往惟
有白雲親，低昂乍見青山嫵。上若鏤刻以瓊瑤，下
若琢磨以璠瑀。想多隱豹及潛龍，疑有飢蛟兼餒
虎。翠屏石上波濤生，殊壑空中烟嵐吐。寒暑不知
春，徂秋晦明歷盡風和雨。下有泉似鈛，鋸潭激流
洗耳隨。携取天塹窺之比，甕深河源尾間無從覩。
且漣兮出澗泉，或者疏鑿勤神禹。青袍布襪歷

如元圃丘樊原無車馬喧剩有烟霞可作主此
時安得丹青人收入摩詰輞川譜覽勝有情還有
輿載酒問奇當歌舞壁上無慚黃絹題磨崖鐫句
畱今古

路南州志

卷之四 歌

五

香山寺

知州許維祚

錯認東林路幽深曲徑連
纈雲低講席怪石咽流泉
日落烟光集山空雨勢懸
未能結茅宇知足少清緣

宿來清軒

夕照依樓盡歸鴉破曉烟
凭欄因待月默坐學安禪
草木經秋變星河入夜空
清樽供眺望得意在林泉

洛南州志

卷之四詩

辛

送文成之江寧

不盡肝腸話依依遠別情
飛花隨馬去啼鳥送君行
晴野綠程潤春山縱目清
相思兄弟第董夢繞石頭城

春興和米紫來韻

園林朝雨後風剪落花輕
鞦韆山常在呢喃燕有情
身閑塵思減境靜道心生
幸少曳裾處誰能倒屣迎

蔣別駕邀飲杏花下

舊園祇園外春深雨後涼人依芳樹坐風送落花
晚岫歸雲冷荒城蔓草長連朝頻載酒幾度醉
斜陽

感懷

天地蜉蝣寄遠廬豈是家客窓虛映竹老樹晝啼
鴉醉共親知笑愁聽兒女譁夜來有幽夢閒坐憶
京華

堰城偶賦

知州羅之熊

引水平山麓分流逐甸斜沿堤栽柘柳遠屋種桑
路南州志

卷之四

三

麻男事耕耘計女成紡績家公租輸已畢何必到
官衙

勸義館諸童勉學

知州金廷獻

兒曹休作輟歲月不常留開卷賢如對潛心業訂
修門迎千嶂翠座繞一溪幽滿目皆文境隨人筆
下收

贈徐在魯

進士曹應昌

舟楫非吾事池塘強自寬多君贈蓮葉助我戀魚
午解纜羣花徑停橈傍石欄風波此中少行路不

感難

又

谷口衣裳懶閉人日月長雪能憐竹弱茶不負泉
香譜石都忘倦移花自惹忙遙知塵世外盼此白
雲鄉

石林

候選金 瑛 廣寧
知縣人

幽林何太僻萬石鑿深宮徑轉疑無路山鳴似有
鐘古苔綠雨滑窳窟倩雲封半點塵難到惟餘谷
裏風

路南州志

卷之四 詩

三

獅嶺

積翠盤千尺攀躋路入遲紆迴難駐馬蹲踞杲如
獅梵鼓催松浪薰風響竹枝憑高誰作侶極目夕
陽時

興陸寺九日登高

滇南稱絕頂况復又登高馬足雲中落閨情世外
陶白衣人未遠脫帽興偏豪過院僧求賦臨池試
筆刀

題忠節楊公祠

學正羅銘鼎

台祠垂路甸大節重黔灘赤日光爭烈宅溪水尚
秀舌並常山著骨同柴市完忠義畱青史乾坤萬
古看

贈徐九徵

學正張端亮

性癖耽幽勝時來叩草廬高梧畱繫馬小沼坐窺
魚僕解供園職兒能讀父書家醅堪取酒多爲故
人儲

又

爽覺秋先到庭陰溽暑收風藤垂紫絡雨竹臥蒼

路南州志

卷之四

詩

三

虬榻向南州下尊同北海畱相將聯二美共作醉
鄉侯

又

地僻遺塵跡烟霞半畝開翠植先生柳香培處士
梅隱几南山近鈎簾好月來坐餘幽興與樞移席向
葦苔

又

高士吾何敢惟因孺子過就陰支短榻泛酒折新
荷禮可疎軒冤情應老薜蘿故人牽旅夢相對思

如何

賦得川波岸柳春全廻

學正李汝相

新築泉邊室還欣淑景多
漣漪縈水浪淺綠拂雲
蘿寒氣總消去和風此會過春光今日滿持贈意
如何

黔闡和魏大總裁原韻

山斗才名重論文更漏深十行飛玉屑一片識冰
心列炬光騰漢清風韻入琴千秋逢大雅側耳聽
元音

路南州志

卷之四

詩

咏懷

寄跡昆州裏遊心太古天窓疎雲補密吟歇鳥聲
連縱飲薰深竹陶情小漆園此生多樂趣隨在白
悠然

晨起

晨起茅齋靜曙光東嶺餘寒霜沾袖濕清靄入簾
疎地僻人行少官卑氣度舒窓前生意滿青草不
須除

踏野

翠黛團山色奇英入錦囊
漱泉消午醉揮扇受清涼
涼梅店橫黃鳥雲衣卷綠
管思家千里外觸景意
彌長

中秋賞月

捲幔來風遠移樽得月多
蟾光今夜滿爽氣細雲
梭分菓兒童喜啣杯鳥雀
過年年常似此懷抱竟
如何

又

一月洗殘垢萬家生早涼
平分秋色動榮拂桂枝

路南州志

卷之四 詩

五

黃照鬢年顏改共兒友
話長懷人苦道遠飲酒且
徜徉

賦得初篁帶綠搖新粉

鬱極英芳吐幽葩到石林
微抽清瘦骨偶寫淡虛
心翠舞朝霞近光浮夜月
侵徘徊思緒永獨坐不
能吟

瑞禾

符呈滿地靈秀種於禾莖
是人間有穗應天上
多政平田祖格瑞應老農
歌萬里遐荒域歡呼報

太和

賦得水廻青嶂合

揀選李義傳

山下水縈廻青葱積翠來泉流苔蘚壁嵐吐楓林
隈一線穿幽徑兩峰孕石荻浩然題句處風景暗
相猜

賦得雲度綠溪陰

雲來四望齊蕩漾鎖清溪頃刻諸峰合廻環一水
低青苔寒澗冷芳草綠陰棲憶得風流句武陵城

關西

路南州志

卷之四詩

三五

花園卽事

舉人韓名伯

為愛花為友清齋種一畦常懷春日麗懶看落霞
棲寫意琴頻弄陶情酒自攜與君貪醉賞直到日
垂西

村居

舉人繆琰

昆山人

桑麻行處有卜築曾芟茅掃榻琴為伴看山石訂
交狂歌寧問譜劇飲不須覈覽物偏增慨誰隣鵲

何巢

又

曳杖林塘外青山欲暝時
沉吟文相傳慷慨疊山
寺風勁林俱退霜嚴菊較遲
古人如可學雌伏未
應癡

佛面黃

舉人 金士敏

吾愛陶彭澤歸來心似禪
繞籬環八寶滿砌列諸
天雨沐瞻金相風披惹梵烟
買山堪一笑佛座禮
紅蓮

端陽

端陽終日雨獨坐此樓中
蕉葉題詩綠雄黃醖酒
路南州志

卷之四 詩

七

紅物華會不改人事迫難同
郭外誰家笛嗚嗚咽
晚風

和武陽獅山韻

貢生 李弈蕃

獅山藏石寺不知雲樹分
磬聲方出樹客影又穿
雲塵界三千見禪宗一棒
聞夕陽催拙句頻酌爲
詩醺

又

覽勝獅山上飄然一客蹤
面懸如障壁鉢影似龍
松槎泛斗牛近竚扶烟霧
重歸鞭橫翠裏清夢在

奇峰

水月橋

貢生 金成憲

三五團圓夜金蟾上碧池
潮頭初起處海上半騰
時魚咽滄波影鶯窺綠柳
綠杖藜扶我過諤誦月
明詩

又

晨妝王母鏡昨夜擲瓊池
玉液初卹處清輝半密
時磨光應已久甜垢豈畱
絲因何重洗滌更誦浴
盤詩

路南州志

卷之四 詩

美

春宵

貢生 楊鍾猗

滿目春光富良宵不忍眠
琴橫明月下鶴睡綠池
邊飲酒忘新歲張燈似舊
年千金爭一刻况醉艷
陽天

春雪

瑞雪團山色入春更可嘉
飛來片地玉濕透征人
車松老髮添白梅肥枝自
斜遣懷憑濁酒訪戴踏

沙

賦得鬱鬱桑麻風露香

貢生 喻吾道

凝眸野望賒處處足桑麻綠葉橫斜映高枝淡蕩
遊迎風貪爽氣挹露熈朝霞月令官功執清香到
萬家

賦得積翠紗窓暗

淡影微微落幽芳脉脉斜青雲羞葉密翠黛聚亭
賒小隙探黃卷層陰結紫霞窓紗涵寶氣莫認是
仙家

遊三台蓮峰閣

貢生董文英

三台層壘上數武入蓮峰瞻象山川古談心風雨
路南州志

卷之四詩

无

衝煮茶看去鶴把酒對蟠龍聞道遠公杏蒼然尚
識容

遊李子箐

峭壁崎嶇立無人敢獨先路緣鞭石就窟是鑿空
懸攢磴難窺地排峰欲刺天石林偶一過回首卽
茫然

遊武陽獅山

廩生楊夢詒

振袂獅山上翩然物外蹤巖深千仞石嶺秀萬株
松彼岸登何處祇園步幾重坐來塵不到片月出

孤峰

又

不識獅山寺深林一徑分談經花是雨洗鉢水翻
雲塔影諸天近鐘聲萬壑聞浮生閒半日肯惜醉
顏醺

贈別張寅揆

才名君擅久函丈始相親妙擬王維筆思侔張翰
尊擔頭頻載句馬首暗飛塵雲樹懷千里惟餘梁
月新

路南州志

卷之四

詩

四

漁家樂

廩生楊蔭誥

羨爾漁家計飄然一葉舟曉偎芳草岸夜臥白蘋
洲燈火孤村月蘆花兩岸秋得魚堪換酒婦子樂
無憂

題忠節太和楊公祠

督師楊繩武

彌勒州人

縱橫萬馬一城孤，賭命還將半壁扶。
宗社有靈鍾間氣，山河無恙鞏皇圖。
九迴抽盡腸猶熱，七尺摧餘骨未枯。
廟祀悠悠千載後，青霜細雨淚模糊。

遊芝雲洞

知州馬鳴陽

芝雲弘敞自天開，怪石奇峰寔異哉。
不與丘陵誇世界，却從空谷構樓臺。
巍巍古跡籠蔥秀，隱隱仙踪錦繡苔。
更有石門擎玉柱，至今長闢不須摧。

路南州志

卷之四

詩

呈

贈徐在魯

知州張臯謨

雛紅雉綠影，舞猶掩映城南烟。
水樓花信風聲句，日度春山曙色一簾收。
騷人潦倒尋芳徑，怪石低昂類酒儔。
寄語東君須鄭重，休將杖履逐沉浮。

又

樓頭雲過醮醮尊，佳水佳山自寫真。
如畫園林難少我，多情詩酒自留人。
烟蓑雨釣從來僻，瘦島寒郊過去身。
此日官衙長寂寞，城南新卜蔣家鄰。

同劉太史遊獅山

四十功名志未雄
婆娑烟雨一心空
伏波事業雖無外
司馬文章只此中
載酒問奇誰自得
隨山刊石幾人通
會稽禹穴長千古
必竟風流太史公

遊獅山

知州陳可

長道俗人是簿書
好遊性僻久相疎
朝來已覺舊情爽
風過能貽遠意舒
積葉堆雲層石迥
閨花散雨千巖虛
下方城郭依山靜
日向山傍且寄居

遊芝雲洞

送別官亭覽勝畱
時當初夏若深秋
千層晝月穿

路南州志

卷之四

詩

三

巖曉十畝溪雲接
水流壁氣寒侵來
曲折石光翠滴自清幽
爲言此處有靈鶴
子晉吹笙汗漫遊

薄暮得微雨

知州許維祚

幸得幽居遂野情
輕烟入暮鎖高城
雲依虛牖孤燈暗
雨落空林宿鳥驚
階下淋漓看漸濕
簷前斷續聽無聲
中宵寂寞心愈靜
枕簟悠然夢亦清

賦得我愛夏日長

惟喧喧近草堂
幽人箕踞樂徜徉
雲開返照千峰霽
雨過虛窓一枕涼
花惹蝶愁憐影度
柳深蟬

靜引聲長如年還喜清無事與客披襟話渺茫

送我法還里

皓首猶能汗漫遊長安星聚再經秋逢人老眼時
青白到處孤踪任去雷客路蒼茫烟樹冷離情依
舊夕陽愁欲期後會知何日莫惜音書過薊丘

凌雲閣

知州金廷獻

凌雲高閣跨城墉四顧層巒若伏龍彩棟紫廻天
際日朱簾舒捲嶺頭風江聲斷續欄杆外樹色依
微烟雨中此會登臨多逸興恍如身入斗牛宮

路南州志

卷之四詩

聖

又

千巒競秀翠如流無限風光入望收盤水飛霞簷
外落獅山來爽檻中畱南雲撫字才偏短

北闕高深德莫酬俯仰登臨但一氣迷離烟樹隱

皇州

贈袁公輔

進士曹應昌

奇踪物外歲華流四世三公錦幔收陽西書猜前
世讀海天人落路南遊與君縱酒鄉非醉有事賞
心話莫休指日梅花官署遠郵亭且耐一宵愁

再贈公輔

下雲藏野老家縱曠水漱竹籬斜勒將春去詩
雨流出山來都是花白首風烟三徑草清時鼓
吹一池蛙閒中不柰雙閒手洗甌炊香夜作茶

贈徐出園

瘴鄉頭地裝飛雪紫陌牙簷洗素風可避客來衫
屐外忽驚交訂笑談中陶家脚氣宜爐炭絳帳車
脂或楚雄萬里飄蓬來棘道路南孤影落霞同

遊觀音樓

路南州志

卷之四詩

四

浪盤高閣出中流竹樹蕭疎水檻秋客醉小橋漁
唱起僧歸曲徑鳥聲幽十年詩酒分禪幕千里風
塵感宦遊安得勞人身既退載將明月對鳧鷗

鹿阜霞光

候選金 瑛
知縣

何年鹿迹此山頭鹿去山空跡尚留佳氣幾曾隨
物隱晴暉猶自到今流休教滋蔓迷幽洞那復叻
戀故丘莫道南中多勝蹟看來獨讓彩霞浮

環山雪霽

巖泉漬漬浸環山一片光騰晚照間雲樹平飛天

竹山樵唱

來懶慢度昏朝唱入深林解寂寥竹韻似迎歌
古山音如應曲音遙清幽豈借桓伊笛瀟灑還
疑子晉簫踏破白雲畱不住隔溪樵侶又相招

魚池雲影

碧沼澄清入眼幽何年噓氣未曾收無心出岫波
中見有霧迷天浪裏流一派文章隨上下幾番烟
景自沉浮年來會負凌雲志池畔晴陰爲我畱

贈徐出圃

學正張端亮

路南州志

卷之四 詩

吳

十年聲氣識君多景行於今賴切磨握手喜聯高
士榻看花更進碩人窠清時廊廟推瑚璉醉後江
山有薜蘿無奈蒼生霖雨望濛川未必穩漁蓑

題忠節楊公祠

學正李汝相

浩氣畱芳近五溪一身輕棄草萋萋忠魂鬱結晴
雲暗勁節高撐古木低曾達宸聰題漢杜還從祠
迳遶虹霓孤臣一片衷腸苦野鶴於今和淚啼

鹿阜霞光

相傳山阜翠華團瑞靄南川曙色闌
逐鹿當年成

盛跡晴雲今日繞林端琴揮指上生春意鶴舞堂
倚石欄觸目琳瑯添逸興霞光處處耐人看

獅嶺晴嵐

獅峰陡立淡烟橫一派晴光處處呈松繞微雲花
作錦竹搖清韻玉爲聲披襟坐愛朝曦暖覽勝偏
饒翠黛輕縱飲嶺頭登眺遠一時興味孰能京

石硯仙踪

日永尋芳古硯間清幽逼我紅塵刪浪痕斜湧翻
苔徑崖窟橫穿老石關鑄就棋枰誰共弈鋪成牀

路南州志

卷之四詩

署

第幾人閒看來往事多奇跡刺得芝雲仙氣圓

環山雪霽

春老飛不到天涯秋夏之交放碧霞赤日猶疑雲
氣濕晴川偏有溜痕斜鴈過乍驚梅結玉人行應
嘆絮拖花子猷不作乘舟想天意巧爲寫物華

響水風清

以角東隅搆一窩泉聲乍聽自蹉跎陡來湖泮凌
波震徐住紆迴繞案過天籟偶憑晴氣入潮音時
向雨聲校此中造化多微妙響到園林樂趣多

龍潭夜月

幽入夜遠烟塵皓月當空映一津樹影斜穿泉
鏡山光倒浸水中蘋投竿牽動舞衣曲盪漿還
驚折桂人自幼沛霖會有志故將懷抱寄江春

魚池雲影

半畝方塘老樹圍低看雲影露晴輝何妨護嶺樵
幽勝偏喜臨淵寫翠微朝爽曾將黛色洗夕陽猶
入水晶飛疑眸領取輕盈態點染於今濕透衣

竹山樵唱

路甯州志

卷之四詩

吳

竹山孤聳碧雲間樵子歌聲去復還乍起恍疑天
上響細聽却是嶺頭圓雲移逸韻晴拖入風捲餘
音靜欲閒莫道昆州無勝事助人野興有多般

瑞永

晴雲此會繞林端永滿昆州瑞色闌非是異人天
上種却疑神物水中團一莖盪漾分雙穗五色扶
搖捧玉杆

循良呈秀淑萬民應有室家歡

萬里恩波破大荒
嘉禾鬱秀靄青蒼
南天樹植原無術
今日紛披偏改常
風擺單莖呈並穗
雲移細粒飽清霜
看來頓覺祥徵異
四境悠悠戴德長

梅花

晴窓的的愛朝曦
老幹抽花伴蝶飛
倚檻淡妝橫遠黛
臨流疎影透寒衣
腮含淺綠春將動
肌瘦清標雪護肥
百卉歛容畱不仕
東風戀爾莫相違

又

性癖閑居耐苦吟
荒城梅色氣蕭森
傲霜瘦骨老

路南州志

卷之四 詩

况

彌勁餐雪芳顏寒不侵
月下山禽窺冷艷
樽前粉蝶戀花心
只因堅得孤高節
助我詩情興味深

又

寄居多愛山泉清
贏得丰神異樣輕
翠黛迎風香入細
冰肌立月影偏橫
投竿牽惹幽人興
盤石堅持處
士心上苑春光常
錯過幾時為我破愁城

又

立身孤峻遠炎塵
破臘冲寒氣色新
懶喫何郎傅粉黛
却將西子賽眉顰
岸容月映山溪水
幽意雲

偷碧海春此夕同人添逸興酒杯到手莫辭頻

雁字

羽翰飛來不自由斜鋪錦字倚天浮
凌雲墨破瑯琊石劃雪文分鄭圃幽
三都紙貴霜毫裏大篆書成碧漢秋
欲識此中得意處各家巨筆一時收

又

冲破青烟寒未侵
硯池疑捧到天心
盤根鐵畫雲間轉
細繞銀鈎月下臨
奇字恍從霄漢落
黃庭何事右軍等
置身高矗紅塵外
灑翰橫斜不自禁

路南州志

卷之四

辛

凌雲閣

小蹊崛起一高墉
飛閣排空控玉龍
畫棟平林宿曉月
軒窓透影露孤松
品題花鳥青霄立
指點山川萬壑宗
銘石紀功歌召父
祥徵一郡五雲封

又

臺榭巍峩接太清
凝眸遙望四山明
朝晴爽氣迎東宿
夜靜幽光吐赤瓊
滿座風烟排瘴厲
半天雲水透窓櫺
興酣不覺輕陰散
美酒沾來醉亦醒

又

崇臺高插白雲間，觸目琳瑯意自閒。
天籟側聞炎暑退，禽聲低聽紅塵刪。
竹山對立雲輕護，紫玉迴環水一灣。
却喜此中添逸興，逼人詩思許多般。

又

登臨水閣共畱連，曙色平分挹曉烟。
入座疎窓雲補密，盈前古樹鳥低穿。
直衝棟宇撐銀漢，斜引山風拂几筵。
勝跡鑄銘垂萬古，願偕同志彙成編。

古城二景

古城晚霞

路南州志

卷之四

詩

五

蕭疎烟樹帶城圍，日日斜陽暮靄飛。
古岸嵐鋪虹作錦，一川紋拂水騰暉。
輕雲半捲山疑動，夕鳥潛窺草似肥。
想是鴻鈞多蘊育，霞呈五色作蘿衣。

長江半月

長江曲曲抱烟村，山篆蟾光近夕昏。
日色照殘清魄映，半輪低拂細波翻。
依稀微月一廉鈎，影彷彿描成太極痕。
欲究化工呈巧處，俯探流水得天根。

之水庵

訓導邵崇文

法刹高憑萬壑開，清江曲曲鎖香臺。
鋒旋春蚓隨

堤折撇轉秋蛇繞座來竹裊深洞閒悵望窓間滿
灑自徘徊宛然逸少題名處體勢從心信手裁

黔關中秋賞月宴集步韻 舉徐之愷

龍門獻賦彩雲披冰鑑誰將國士知萬蟻戰交霜
肅日五星明照夜深時杖藜近與文光接玉杵遙
隨月影移貴筑叻歌傳盛事庾樓清興動人思

又

八月涼秋夕露披芙蓉入夢鏡先知文成戰士柳
枚候筆似春蠶食葉時玉漏聲催星未落金蓮色

路兩州志

卷之四 詩

五

燦斗初移棘闌詞客吟黃絹江左才高足繫思

凌雲閣

揀選 李義傳

撐支畫閣挹長颺高踞城墉好勝遊烟樹迷離千
嶂遠風光掩映四時收雨淋簷溜難拖地月吐山
巔先照樓此日登臨空萬象恍如身御碧雲頭

瑞禾

秋風瑟瑟滿前川太史占星爲有年今歲原非昔
歲比一莖常似數莖懸三三競秀呈霞錦兩兩爭
奇篆曉烟自是牧民多惠政故將神異放江邊

和送慧燈上人入三台中庵

爲愛三台謝俗塵中庵一衲獨存眞雲移輕案老
苔砌月映禪房點綠茵携手虎溪忘遠步談心白
社戀幽人耳邊忽送陽春入字字敲來景更新

瓶中紅白芍藥

春景融融斷續風誰移芍藥點晴空百千黛色他
園裏三兩殊顏几案中綠葉扶將成淺碧小枝綽
約露深紅晚來不減庾公興明月高懸正在東

題忠節太和楊公祠步韻

棟選
知縣

速秉植

路南州志

卷之四 詩

五

君門萬里嘆臣孤危孰與持顛孰扶已揀一身匡
國難遑因數口作私圖火溪血化草猶碧玉嶺神
依柏未枯當日曾經太史筆丹心萬古不糲糊

又

重重鐵騎逼城孤戮力思將社稷扶歃血潛盟謀
已就檄書中阻事難圖身經百戰雖陽壯骨碎片
時柴市枯父老於今談軼事殘碑猶見淚模糊

獅嶺晴嵐

飛來鷲嶺作獅鬐篆出明霞古樹間宿霧不留林

水朗暖暉一派曙光閒朝疑松下長虹度暮似巖
前五色園把酒談心盡日飲青雲繞足紅塵剛

環山雪霽

聞道香山白石蟠四時仍作雪漫漫元非微霰三
冬積何故飛花六月寒盛暑猶遮訪戴笠晴嵐還
憶跨驢鞍高人錯認尋梅地幾度徘徊不自安

鹿阜霞光

舉人王槐

逐鹿當年事已更僂踪無影阜烘晴祥徵五色凝
青甸瑞擁千家起赤城輝映玉山饒野色光凝洛
路南州志

卷之四 詩

五

浦掇雲英懸知勝地鍾良牧佳氣浮雲百里明

龍潭夜月

一碧涵空萬派流寒蟾瀉彩石潭幽誰將海客藏
蛟室併作嫦娥夜月樓寒浸半天雲影淡清沉十
里鑑光浮夜深龍起金波湧喜抱明珠得意遊

獅嶺晴嵐

西來爽氣壓松巔隱隱青獅帶綠眠山色有無疑
暮靄樹陰濃淡駐晴烟片時領略雲圍岫一望滄
茫海作田登嶂青幽看翠滴無人拈破箇中禪

竹山樵唱

伐木行歌挈伴回竹林深處鳥聲催無腔短調翻
新譜信口時歌暢野懷一部聳音傳谷口幾番天
籟出溪來是非不入樵人耳一路山烟逐步開

和王翁英贈別

舉人韓名伯

赤墀命使廣旁求獨羨君家藻鑑周黔嶺當年騰
彩鳳滇池今日起蒼虬談心莫問廬陵事話舊何
殊貴筑秋茲夕歡逢須盡醉雲山從此動長謳

丁卯中秋同試黔省步兩大總裁韻

黔南州志

卷之四

詩
五

佳節分輝皓露披一番清斝許人知權逢梓萼當
秋夜期會桃花恰艷時酒興頻催經漏永詩懷欲
賦見星移登龍漫冀開東閣邂逅黔關遂夙思

題楊升庵祠

舉人徐焯麒

名世芳踪謫遠荒寒烟古渡海茫茫蜀江不返啼
鵑淚楚郡長吟垂柳章清議重輝新祀典忠魂常
繞舊祠堂恨無靖節歸來賦錦字書中怨夕陽

又

帝里朝辭久住南玉堂遺址向誰探尊親大義原

成激事主孤忠自不慚昔犯龍鱗辭北闕今占鷄
晉寄珠龕烟波半世棲滇國千載丹心照月潭

答周廣文賞蓮

舉人袁偉

自笑疎頑與世遺惟君教我學時宜池邊濁酒堪
呼月郭外青山好奇詩誰道讀書推半豹方知涉
趣讓濂溪盈眸况是花君子千載颯流請復之

又

願作郊原十日遊百錢沽酒掛溪頭千枝荷葉旌
旗卷一鑑鳴蛙鼓吹花似騷人晴處發詩如迺
路南州志

卷之四

詩

五

我雨中求來年應有鱸堂信且把雲山絢爛收

送刁先生還蜀

痛飲經年續古歡臨歧不及再盤桓他年定訝滇
雲薄故國何堪蜀道難問字從來曾載酒寄書此
後願加冷烟霞莫向睂山鎮滿目蒼生望謝安

山居卽事

老來不敢道行藏日愛吾廬引畫長架上文章皆
古董林間笑語更荒唐幾竿疎竹爭朝靄一段寒
梅惜晚香時過鄰翁數甲子相逢盡是舊衣裳

又

何必名山始善藏一丘一壑便相當
閒雲出岫隨心卷倦鳥停飛那處忙
司馬不聞遭漢武陶潛自是謂羲皇
門前五柳安然在勿用行吟效楚狂

贈別張賓

舉人繆 琰 昆明人

執經豈意別 聖 樽酒臨歧倍感情
絳帳春風文自麗寒汀越渚雲尤精
相見莫謂四公遠寄跡應知鹿阜平
有憶吾鄉山水好并看駝馬再南行

鹿阜霞光

貢生 李椿齡

路南州志

卷之四 詩

七

當年逐鹿憶仙翁鹿幻仙踪出自宗
雲峰紫玉平鋪案天敞青屏秀插空
佳氣鬱葱曾草蒿祥雲閃爍却驚虹
鍾靈元是循良地春露瑞芝鎮洛濛

魚池雲影

一泓秋水碧于油何物披紛錦作洲
出岫無心舒欲卷臨淵有意去還留
陰垂碧淨天疑動影弄澄鮮日覺浮
看罷不忘濠濮興洋洋鰲隊正堪遊

潯水風清

舊濠川派新漲潮虛博八擘初颺聲
挂湘

吟古音觸秦臺鳳引嬌逸韻遙聞天半籟流絃共
送月中韶泠泠一派清心耳欹枕宮商醉夢銷

龍潭夜月

夜深雲散樹林端一派幽光徹底寒水止不緣風
鼓浪鑑空只任月拋丸寒浸夜色澄澄碧光涵秋
瀾湛湛圍下上空明相映發此身疑作廣寒觀

石碕仙踪

雲樣胎精芝樣研五丁鑿竅鶴飛仙紫紆奧榻愁
無地窈窕軒墀別有天丹竈歷年莓漸蝕碁枰

路南州志

卷之四 詩

美

古乳頰懸玉莎瑤草遺跡緱嶺吹笙何日還

獅嶺晴嵐

欲問西山若個奇靈獅蹲就不知移朝雲暗趁晴
崗染宿霧輕拖春嶂披草色芊芊攢怪石松風謔
謔撥殘碑鬣芳上已扶筇地萬壑煙吞酒一卮

瓊山雪霽

不見彤雲六出花綠何霽色滿空霞層巒石溜飛
瓊圃負郭人遊弄玉家蹇策孟樓香自遠鶴流戴
棹興何賒飄然鶴鬢神仙侶鼎水烹陶漱物華

竹山樵唱

竹林深鎖雨花臺青滴芙蓉面面堆朝送籟聲天
半響晚移清韻嶺頭來如歌郢雪如歌楚半入峰
嵐半入隈莫道行雲能過响一時遙聽幾徘徊

月夜梅影

貢生施純仁

玉署欄干爽氣開孤梅午夜獨徘徊寒枝未報家
家雪疎影先移步步疎高士酒酣忘露冷美人腸
斷怕香催立殘清照無言語遙映紗窓去復來

夜雨

路南州志

卷之四

詩

五

小齋飲酒綠雲稠夜半雨聲倚枕浮萬戶閭纏茶
瘴裏一雷驚散老農憂陡來瀝滴風翻浪密布橫
空瓦襯流爲愛西成應有望田夫相慶古汀洲

雁字

貢生楊珍

漫道天章不費思排空字樣少人知草書倒挂青
雲裏健筆斜飛秋月時拖去何人能潑墨揮來無
畫不爭奇多緣南國無音信代寫幽情處處宜

盤江春雨

二月濛川水映隄時添新雨助幽思膏盈淺渚春

波溢泉漾汀洲練色齊洗去清烟扞柳岸流來甘
露潤芳枝陽和化澤今初轉滌淨塵襟漫賦詩

鹿阜霞光

貢生金成憲

逐鹿仙翁事已磨巍巍堂下吏人過籠葱瑞色朝
還見旖靄祥陰午正多微暈何曾因雨掛輕虹豈
是帶晴拖郡人不識仙猶在紫氣從東擁綠蘿

石硿仙踪

神仙何代煉丹修雲鎖十年洞壑幽路繞莓苔深
可到窟含森邃渺難求牀前冠履於今在案上棋
枰自昔畱服氣想應長辟穀石田何事役耕牛

路南州志

卷之四 詩

李

獅嶺晴嵐

靈獅誰縱巴江上高踞城西已萬年骨聳隣岫雲
籠岫毫鋪林莽樹含烟遙看似黛晴方覺近挹如
藍雨後懸雲淨天空時捲幔西山爽氣正窓前

魚池雲影

一鑑清池映綠苔誰將噓氣入池來雲歸天外全
無跡影落池中久不開捲舒豈爲陰晴變聚散空
令曉暮猜更有奇峰宮樣巧却疑龍女慧心裁

環山雪齋

日麗香山樹影斜翠微深見瓊華南天莫是春風
少夏日遙餘臘雪賒弄玉儘堪誇座客堆銀恰
似為貧家陶公若住巴江上炎暑猶呼學士茶

龍潭夜月

盈虧幾度暮雲邊自落龍池夜夜圓任是月殘曾
不晦從來望後那知弦波心返照搖蒼壁樹底寒
光射碧天莫是驪龍藏水面悠悠千載抱珠眠

竹山樵唱

路南州志

卷之四詩

六十一

翠碧重重衆壑寬丁丁樵斧入秋殘行雲响自高
峰落空谷聲來萬竹寒隱隱花宮藏樹裏悠悠仙
梵起林端清幽何似山深處野韻無腔和也難

嚮水風清

遙遙何處奏塤箎疑在初晴欲雨時奮發如濤虛
枕聽悠揚似籟暮窓知黃昏却訝吹來早靜夜翻
疑送入遲莫怪村郊頓獻歲南薰風裏問耘耔

凌雲閣

凌雲高閣勢難攀此日登臨暫時閒第覺此天輸

北斗何妨與地傲南山有無黛色虛窓裏隱躍泉
聲遠樹間對此詩人清興起國中屬和有誰班

瑞禾

穢穢嘉禾隴上生何緣兩穗一株擎

九重尚憶三農苦十畝爭誇百室盈處處春風迎氣動
年年甘雨應時傾禎祥獨見山洲地

帝德

天心不可名

又

陰陽淑氣八年光五色容鷄唱短牆書進嘉禾當
路南州志

卷之四 詩

李二

日瑞穎呈雙穗應天祥彩雲曾現銅池裏靈草遠
生玉殿旁豈似三錢贏斗粟行人千里不齋糧

又

忽聞何處產嘉禾強酌餘罇漫一歌史載兩岐知
最少書陳雙穗未云多昌雲自是關昌運草木由
來感太和

聖澤

普天皆雨露禎祥獨見此山河

忠節祠和韻

迷天毒霧逼城孤大義惟堪一死扶智盡誓將消

國念力窮寧肯為身圖名祠盛事千秋烈火掌餘
悲七尺枯自是精靈終不泯英風黯黯作雲糊

州志特紀先年節婦書以弔之

半世孤燈照影寒湘痕肯共一杯乾柏舟酬得生
前志青史留將死後看冰雪從今輝玉簡姓名有
路到金鑿芳魂此日應含笑灼灼庭花倚畫欄

古城晚霞

何處明霞掛碧空山川全抹夕陽紅江流秋起桃
花浪嶺樹春搖丹葉楓却羨隨烟推畫錦怪來無
雨掛輕虹古城莫是函關地紫氣于今向晚濃

路南州志

卷之四詩

六十一

長江半月

清江如帶碧沉沉一曲蒼巒送夕陰豈有疎烟鋪
水面惟餘殘月墜波心斜橫柳下驚魚釣隱躍山
西照客琴一葉扁舟歸去晚綠蓑疑有色相侵

梅花

貢生 喻吾道

清泉一曲抱村流傲雪花枝入夜幽姿格舞迴雲
裏鶴丰神驚起水中鷗橫鋪疑是桓伊笛直下還
同巖子鉤世上塵埃無所寄孤芳自賞復何求

又

飽飯閒居午夢長
醒來清味是梅芳
他年月戶神相注
今日雲窓態倍揚
斜插蕭蕭鋪片玉
高撐字字分天章
漁船載得輕陰去
一派餘香入水涼

巴盤春雨

貢生 董文英

小謝輕埃竟日迷
青青河畔柳枝低
桃花半向烟中落
芳草多因雨後齊
應有遊魚衝急浪
豈無飛燕得新泥
蟄龍此際潛江底
直聽春雷到海西

凌雲閣

路南州志

卷之四詩

十四

翠幙沙窓八面開
光雲影共徘徊
簷前雨過容偏秀
簾外風微爽欲來
着子似從天上落
吟詩疑在月中裁
此時塵俗歸何處
彷彿瑤天第一臺

雁字

貢生 陳鵬健

嶧山振羽摹秦碑
大篆翻新小不差
上下百年羣說異
縱橫萬里獨驚奇
行縈春蚓依沙岸
影亂秋蛇倒碧池
雲外欲高題塔字
長安宴醉杏花時

又

一派靈空炫錦霞
裁成雲篆合還分
龍拏筆海初

成陣月滿瑤臺別有羣幾度迴翔書欲就數翻離
落硯將焚逼人吐吐疇能爾飛翰驚天見大文

又

掃硯青天雪未消上林有信寄烟綃一波三折停
雲表方寸千言著漢霄行亂幾疑張旭醉點斜誰
信米顛僑鐵門斷限原無字誰與霜翰變化遙

犀硯

廩生

楊夢詒

犀宮暫寓別為天山內有山亦有川疎密燈光星
月掛淡濃烟影霧雲連飛濤驚夢樵樓近曲澗支
路南州志

卷之四詩

六十五

橋仙路懸石隱朝朝居世外恍然身寄葛懷間

贈別張寅揆

一風一雨度西山文旆飄來茂美年鐸振青雲才
似賈誼敲白雪畫猶仙詎期榴火催行色且倩柳
烟鎖去關漫道歸鞭雲樹裏金蓮待照玉階前

又

敷濛化雨正霏微青作氈兮絳作帷四座時欽揮
塵訓一囊忽負蠹魚歸瞻雲無計攀轅旆起鳳何
心戀枳棲非是贈君堪折柳願將彩汁染春衣

芝雲硯和韻

芝雲崩裂五丁開，峰勢橫撐幾世哉。
仙境依然留玉筍，鬼工隨意幻蓮臺。
懸崖乳滴寒非雨，深硯精成石是苔。
為問巨靈緣底事，天生巧構不須推。

凌雲閣

生員 楊簡誥

近接雲霄遠俗塵，遊人踏破霧中天。
嵐光隱躍獅峰裏，紫氣浮沉玉嶺邊。
只恐豪吟驚北斗，好看明月過前川。
幼年欲遂凌雲志，到此儼如得意還。

賦得滿城風雨近重陽

路南州志

卷之四詩

字六

纔擬登高興欲狂，滿城秋色兆重陽。
好風迎節思吹帽，細雨催花半吐香。
送酒王弘猶覺早，多情陶令已斟觴。
浮萸九日知非遠，無限詩懷待菊黃。

小窓對雪

生員 張子霄

閒居靜對一窓前，何處漫漫下九天。
羣雁忽驚銀海結，古梅乍見亂花翩。
寒齋聊謝倚門客，兀坐懶題訪戴箋。
愧我冬來無勝事，漫從小牖晤先賢。

雁字

生員 徐致和

誰寫長空寄遠思，懸書天漢少人知。
行縈摩詰揮

毫處影亂張頭濡墨時題破衡陽秋信好傳來塞
北錦章奇風斜體勢聯遂斷摹就迴文幾句詩

芝雲硯

曲折層深出化工看來窟竇盡玲瓏參差乳筍排
行立壯麗亭臺隔丈遠四座枝橫思戲採千堆雲
靄憶探窮遊人眷戀忘歸去知與蓬來彷彿同

並蒂蓮

生員
徐仰聖

為愛朱華駕小舟奇葩並蒂色偏幽波中共把文
章露水面相將錦綉留我謂風流雙陸似人云淨
路南州志卷之四詩
六十七

質二喬羞試看君子知心處照應清時興未休

